

Bwrdd Iechyd Prifysgol Bae Abertawe
Heb eu Cadarnhau
Cofnodion Cyfarfod y Bwrdd Iechyd
a gynhaliwyd ar 25 Tachwedd am 12.30pm drwy Zoom

Yn bresennol

Emma Woollett	Cadeirydd
Mark Hackett	Prif Weithredwr
Steve Spill	Is-gadeirydd
Andrew Jarrett	Aelod Cyswilt o'r Bwrdd
Christine Morrell	Cyfarwyddwr Dros Dro ar gyfer Therapiau a Gwyddor Iechyd
Darren Griffiths	Cyfarwyddwr Cyllid
Debbie Eyitayo	Cyfarwyddwr y Gweithlu a Datblygu Sefydliadol
Gareth Howells	Cyfarwyddwr Dros Dro ar gyfer Nyrsio a Phrofiad y Claf
Jackie Davies	Aelod Annibynnol
Keith Lloyd	Aelod Annibynnol
Keith Reid	Cyfarwyddwr Iechyd y Cyhoedd
Maggie Berry	Aelod Annibynnol
Mark Child	Aelod Annibynnol
Martyn Waygood	Aelod Annibynnol
Nuria Zolle	Aelod Annibynnol
Patricia Price	Aelod Annibynnol
Reena Owen	Aelod Annibynnol
Siân Harrop-Griffiths	Cyfarwyddwr Strategaeth
Tom Crick	Aelod Annibynnol

Hefyd yn bresennol:

Hazel Lloyd	Pennaeth y Gyfraith, Risg a Phrofiad y Claf
Hugh Pattrick	Cyngor Iechyd Cymuned
Inese Robotham	Prif Swyddog Gweithredu
Matt John	Cyfarwyddwr Digidol
Nick Samuels	Cyfarwyddwr Cyfathrebu Dros Dro
Pam Wenger	Cyfarwyddwr Llywodraethu Corfforaethol
Liz Stauber	Pennaeth Llywodraethu Corfforaethol

Rhif y Cofnod		Cam Gweithredu
276/21	CROESO A CHYFLWYNIADAU	
	Croesawodd Emma Woollett bawb i'r cyfarfod, yn enwedig Pat Price, a ymunodd â'r Bwrdd Iechyd fel aelod annibynnol (cyllid). Ychwanegodd mai hwn oedd y cyfarfod bwrdd ffurfiol olaf i Pam Wenger, a fyddai'n gadael y Bwrdd Iechyd ar y diwrnod hwnnw i dderbyn swydd newydd yn	

	y sector preifat, a Martyn Waygood, y bydd ei gyfnod yn ei swydd yn dod i ben ym mis Rhagfyr 2021. Fel rhan o'i sylwadau rhagarweiniol, esboniodd Emma bod stori'r claf wedi'i derbyn fel rhan o sesiwn fewnbwyllgor y Bwrdd a gynhaliwyd y bore hwnnw oherwydd manylion sensitif. Derbyniwyd ymddiheuriadau o Richard Evans, Cyfarwyddwr Meddygol Gweithredol ac Alison James, Aelod Cyswllt o'r Bwrdd.	
277/21	DATGANIADAU O FUDDIANNAU	
	Ni ddatganwyd unrhyw fuddiannau.	
278/21	COFNODION Y CYFARFOD BLAENOROL	
	Derbyniwyd a chadarnhawyd cofnodion y cyfarfod a gynhaliwyd ar 7 a 28 Hydref 2021 fel cofnod gwir a chywir.	
279/21	MATERION YN CODI	
	Ni chodwyd unrhyw faterion.	
280/21	COFNOD GWEITHREDU	
	Derbyniwyd a nodwyd y cofnod gweithredu gyda'r diweddariadau canlynol: (i) <u>Cam Gweithredu Un</u> Cynghorodd Darren Griffiths fod yr amrywiaeth yn yr atgyfeiriadau gan yr adran gofal sylfaenol yn ymddangos i fod yn amrywiaeth normal, ac nid yn gysylltiedig â datblygiadau newydd fel Consultant Connect, ond byddau'r sefyllfa yn cael ei monitro'n agos fel rhan o'r adroddiad perfformiad.	
281/21	ADRODDIAD Y CADEIRYDD	
	Derbyniwyd diweddariad gan y Cadeirydd am weithgareddau diweddar ar lafar.	

	Wrth gyflwyno'r diweddariad, tynnodd Emma Woollett sylw at y pwyntiau canlynol: - Rhoddwyd diolch i Pam Wenger am ei chyfraniad sylweddol at y bwrdd iechyd fel Ysgrifennydd y Bwrdd; - Hefyd, cydnabuwyd Martyn Waygood am ei gyfraniad fel aelod annibynol, a chofnodwyd diolch iddo am aros am flwyddyn ychwanegol i gefnogi'r Bwrdd drwy amser heriol; - Cymeradwywyd eu gwaith i gynyddu elusen y bwrdd iechyd; - Byddai Pat Price yn ymuno â'r Pwyllgor Archwilio, y byddai Nuria Zolle yn gadeirydd newydd arno ynghyd â'r Pwyllgor Cronfeydd Elusennol; - Roedd cyfarfodydd perthynas ag awdurdodau lleol a gwleidyddion yn parhau; - Roedd lansiad er mwyn i Abertawe droi'n ddinas hawliau dynol i'w gynnal ym mis Rhagfyr 2021, ac fe'i gwahoddwyd hi i lofnodi'r datganiad o fwriad. Fe'i cefnogwyd hi gan y Prif Weithredwr.	
Penderfyniad:	- Dylid nodi'r adroddiad;	
282/21	ADRODDIAD Y PRIF WEITHREDWR	
	Derbyniwyd adroddiad yn nodi diweddariad gan y Prif Weithredwr am weithgareddau diweddar. Wrth gyflwyno'r adroddiad, tynnodd Mark Hackett sylw at y pwyntiau canlynol: - Bu'r pwysau gweithredol eithriadol yn parhau oherwydd: • Presenoldeb parhaus Covid-19 sy'n peri i nifer uchel o staff hunan-ynysu; • Bu galw y tu allan i'r GIG wedi ailrymuso'r farchnad swyddi, a bu llai o bobl yn ymgeisio am rolau gofalu; • Roedd cynnydd yn y galw am wasanaethau nad oeddent yn ymwneud â Covid; • Cynyddwyd y capasiti ar gyfer gofal yn y cartref i'r eithaf gan greu heriau wrth symud cleifion mewnol yn ôl i'r gymuned; - Clodforwyd staff a oedd yn chwilio am ffyrdd creadigol ac arloesol i barhau i drin cleifion a bu newidiadau i wasanaethau yn cael eu	

	cynyddu lle y bo'n bosibl, yn enwedig o fewn gofal brys a gofal argyfyngol; - Gofynnwyd i'r cyhoedd helpu i leihau trosglwyddiad Covid-19 drwy gymryd rhan yn y rhaglenni brechu; - Agorwyd 26 sesiwn theatr ychwanegol er mwyn cefnogi gwell mynediad at ofal wedi'i gynllunio, a bu'r rhan fwyaf ohonynt yn Ysbyty Singleton; - Bu gwell integreiddio o wasanaethau rhwng gofal sylfaenol a gofal eilaidd yn cael ei gynyddu. Bu cynllun peilot llwyddiannus o feddygon teulu a chardiolegwyr yn adolygu'r rhestr aros ar gyfer cardioleg o fewn un clwstwr gofal sylfaenol i ailgyfeirio cleifion at y llwybr mwyaf priodol wedi gostwng y rhestr aros gan 20%. Cyflwynid hyn i arbenigau eraill â rhestrau aros hir; - Buddsoddwyd £1.5m i wasanaethau canser er mwyn lleihau amserau aros. Wrth drafod yr adroddiad, codwyd y pwyntiau canlynol: Holodd Nuria Zolle sut roedd cwmipas y pwysau gweithredol yn cael ei gyfathrebu i'r cyhoedd a sut gallent leihau'r risg o ledaenu Covid-19. Ymatebodd Mark Hackett y gallai mwy gael ei wneud gyda'r cyhoedd i bwysleisio pwysigrwydd y rhaglen frechu, yr ymgyrch 'Choose Well' i gefnogi defnydd gwell o wasanaethau meddygon teulu y tu allan i oriau, a gwasanaethau gofal brys eraill y tu allan i'r adran frys. Holodd Nuria Zolle a oedd mwy a ellid ei wneud mewn partneriaeth â'r sector gwirfoddol i gefnogi gwasanaethau yn ystod y gaeaf. Nododd Siân Harrop-Griffiths fod gwaith sylweddol wedi'i wneud drwy'r Bwrdd Partneriaeth Rhanbarthol i gefnogi pobl drwy'r gaeaf, gyda llif gwaith penodol yn cael ei arwain gan Gyngor Abertawe ar gyfer Gwasanaethau Gwirfoddol. Bu arian ar gael tan Fawrth 2022 i gefnogi'r gwasanaethau hyn, a gofynnwyd i gyrff statudol am gynigion buddsoddi. Holodd Nuria Zolle am yr union olwg ar wasanaeth sydd wedi'i orlethu, neu a oedd yr anioddefol bellach yn cael ei oddef. Cynghorodd Mark Hackett fod y GIG yn rhad ac am ddim i'r rhai sydd ei angen, ac mae'r dewisiadau amgen yn gyfyng iawn, sy'n derfyn eithaf i wasanaethau. Ychwanegodd fod gwaith parhaus yn cael ei wneud i nodi'r sbardunau fel y gellid mynd i'r afael â hwy. Nododd Gareth Howells ei bod hi'n bwysig cael proses uwchgyfeirio gadarn ar waith pan fydd pwysau gweithredu'n sylweddol, ar sail meini prawf penodol. Bu cyfarfodydd uwchgyfeirio yn cael eu cynnal teirgwaith y dydd a bu camau yn cael eu cymryd ar said canlyniadau disgwylidig, mewn partneriaeth â sefydliadau eraill fel byrddau iechyd eraill a Gwasanaethau Ambiwlans Cymru (WAST). Cytunodd Inese Robotham,	
--	--	--

	gan ychwanegu bod angen terfynau amser clir ar gyfer isgyfeirio fel na fyddai'r bwrdd iechyd yn aros ar lefelau uwch. Cynghorodd Mark Hackett fod y Cyfarwyddwr ar gyfer Nyrsio a Phrofiad y Claf yn datblygu proses o ymweliadau i ardaloedd o dan bwysau sylweddol wrth i'r bwrdd iechyd symud i'r gaeaf. Bydd yr ymweliadau wedi'u teilwra er mwyn asesu ansawdd a diogelwch gofal. Cyfeiriodd Maggie Berry at y gwelyau trawsnewidiol mewn cartrefi gofal i ddarparu llety dros dro i gleifion optimeiddio clinigol sy'n aros am ofal cartref. Tynnodd sylw at fentrau yng Nghernyw lle rhoddwyd arian i deuluoedd i ofalu am eu hanwyliaid, a holodd a gafodd hyn ei ystyried, gan fod risg na fyddai'r claf cael ei drosglwyddo o'r gwelyau hyn. Atebodd Mark Hackett gan ddweud mai'r cleifion sy'n cael eu trosglwyddo i'r gwelyau yw'r rhai fyddai'n mynd gartref yn y pen draw, ond byddai angen gofal cartref arnynt ar ôl iddynt ddychwelyd i'w cartrefi. Fodd bynnag, gan fod oedi o ran cychwyn ar y pecynnau hyn, cynigiodd y cartrefi gofal ddatrysiad dros dro i'r broblem fel na fydd yn rhaid i'r cleifion aros yn yr ysbyty. Ychwanegodd Andrew Jarrett y bu lefel sylweddol o drafod i nodi'r cleifion cywir ar gyfer y gwelyau. Er i risg fodoli wrth symud cleifion i'r gwelyau, bu'n risg y cymerwyd ofal ohoni. Nododd Mark Child er nad oedd hi'n ddelfrydol symud cleifion i welyau gofal cartref dros dro wrth aros am ofal cartref, roedd yn ddewis gwell nag aros yn yr ysbyty pan nad oedd angen iddynt fod yno mwyach. Nododd Maggie Berry y cyfeiriad at achosion o hunanladdiad ymhlith y staff, a holodd a oedd nifer sylweddol. Ymatebodd Gareth Howells gan ddweud bod llif gwaith cadarn ar waith o ran profiad staff, ac mae'n bwysig ystyried sut mae'r gweithlu yn adfer o'r pandemig, yn ogystal â'r cyhoedd a'r cleifion. Ychwanegodd Keith Reid, er bod nifer fach o achosion o hunanladdiad ymhlith y staff, nid oedd y rhain yn ymwneud â Covid-19 gan fod pryderon sylfaenol o ran iechyd meddwl, a chyd-ddigwyddiad oedd y ffaith mai aelodau staff oeddent. Dywedodd mai gweithwyr proffesiynol clinigol sydd yn y grŵp risg uchaf ar gyfer achosion o hunanladdiad, ac mae'n bwysig i beidio â drysu hyn ag effaith Covid-19. Atgoffwyd aelodau gan Debbie Eyitayo bod y bwrdd iechyd yn un o'r rhai sy'n cynnig hyfforddiant trawma i staff fel rhan o'i strategaeth lles barhaus. Dywedodd Reena Owen fod yn dda gweld ffocws yn cael ei roi i strategaeth iechyd cyhoeddus, a gofynnodd am sicrwydd y byddai yng nghyd-destun y cynllun adfer a chynaliadwyedd. Cadarnhaodd Mark Hackett hyn, a byddai'n ffurfio rhan o drafodaeth frifio'r Bwrdd ar y cynllun adfer a chynaliadwyedd ym mis Rhagfyr 2021. Byddai hyn yn cynnwys ffocws ar feysydd y dylid buddsoddi ynddynt er mwyn symud ymlaen, a bydd yn rhaid i'r newidiadau i'r gwasanaeth gefnogi'r gwaith o ddarparu iechyd y cyhoedd. Ychwanegodd fod y bwrdd iechyd wedi cefnogi cytundeb ar y cyd i gynyddu cyflogau gofal cartref gyda'r	
--	---	--

	awdurdodai lleol i'r cyflog byw, ond roedd gwella cyfoeth y boblogaeth leol hefyd yn berthnasol iddynt yn byw bywydau iachach.	
Penderfyniad:	- Dylid nodi'r adroddiad;	
283/21	ARGYMHELLION O'R ADOLYGIAD ALLANOL O'R TÎM NYRSIO CYMUNEDOL AR GYFER PLANT AC YMATEBION LEFEL UCHEL GYDA GWEITHREDOEDD	
	Derbyniwyd adroddiad yn nodi argymhellion o'r adolygiad allanol o'r tîm nyrsio cymunedol ar gyfer plant ac ymatebion lefel uchel gyda gweithredoedd. Wrth gyflwyno'r adroddiad, tynnodd Gareth Howells a Hazel Lloyd sylw at y pwyntiau canlynol: - Codwyd materion yn ymwneud â'r tîm nyrsio cymunedol yn 2020 a wnaeth arwain at adolygiad allanol yn cael ei gomisiynu; - Adolygwyd gofal 20 o gleifion yn y tîm, a bu'r adolygiad yn canolbwyntio ar ganlyniadau'r gofal, profiad y defnyddwyr gwasanaethau, ymgysylltiad y staff a safonau nyrsio proffesiynol; - Bu canfyddiadau'r adolygiad yn dangos materion annerbyniol o ran y gofal a ddarparwyd a diwylliant y gwasanaeth nyrsio; - Rhannwyd yr argymhellion yn bum thema, a datblygwyd cynllun gwella o ganlyniad; - Byddai'r cynllun gwella yn esblygu wrth i'r bwrdd iechyd weithio gyda'r teuluoedd a'r gwasanaeth i'w archwilio; - Byddai diweddariad ar y cynnydd yn cael ei rannu â'r Bwrdd ar ôl chwe mis, a bydd adolygiad dilynol yn cael ei gyflwyno mewn blwyddyn; - Byddai'r adolygiad yn cynnig sail ar gyfer gwerthusiad o systemau clinigol. Wrth drafod yr adroddiad, codwyd y pwyntiau canlynol: Diolchodd Emma Woollett i rieni un o gleifion y tîm nyrsio cymunedol ar gyfer plant am gynnig stori'r claf. Fe'i derbyniwyd hi yn y sesiwn mewnbyllgor. Ymddiheurodd Gareth Howells yn ddiffuant i'r defnyddwyr gwasanaethau am eu profiadau, a rhoddodd sicrwydd y byddent yn gweithio gyda'i gilydd i wella'r berthynas. Ychwanegodd fod parch mawr tuag at nifer o'r staff o fewn y tîm, a bod y teuluoedd bellach yn adrodd profiadau gwell yn dilyn newidiadau di-oed.	

Gofynnodd Andrew Jarrett am sicrwydd yr ymdrinnid â'r holl faterion a nodwyd a'r gwersoedd a ddysgwyd ar sail ehangach i sicrhau nad oedd tebygrwydd rhwng gwasanaethau eraill. Gofynnodd pa gynlluniau oedd ar waith i nodi ac ymateb i faterion tebyg yn gynharach. Ymatebodd Mark Hackett fod adolygiad o drefniadau ansawdd llywodraethu grwpiau gwasanaethau ar y gweill i sicrhau y canolbwyntir ar gleifion. Roedd ystyriaeth o ran sut i gynnwys cleifion yn fwy wrth adolygu gwasanaethau drwy system adborth, gan fod angen newid sylweddol arnom yn y ffordd yr ydym yn gweld cleifion a'u rôl wrth sicrhau gwasanaeth o ansawdd uchel. Byddai ffocws yn cael ei roi ar sut i rymuso staff i adrodd eu pryderon pan na fyddai pethau'n iawn. Yn olaf, rhaid i ni wella ein mewnwelediad drwy staff, profiadau cleifion a sylwadau, a gwneud hyn yn gynharach. I'r perwyl hwn, gwnaed buddsoddiad i'r swyddogaeth cyfathrebu ac ymgysylltu. Rhaid i arweinwyr clinigol fod yn fwy uchelgeisiol o ran beth yw 'da' a'r ffyrdd i gyflawni hyn, gan nad oedd hyn ar waith yn gyson ledled y bwrdd iechyd. Roedd gweithdy ar ansawdd a diogelwch yn digwydd ym mis Ionawr 2022 i ysgogi a chynyddu'r amcanion hyn, yn ogystal ag ystyried arfer da sefydliadau eraill ar draws y DU.

Nododd Martyn Waygood fod tîm uwch dros dro wedi'i sefydlu a holodd am y camau sy'n cael eu cymryd i sicrhau arweinyddiaeth gadarn. Ymatebodd Gareth Howells i heriau godi o ran arwain y tîm, ond roedd yr adborth am y staff nyrsio yn nodi eu bod nhw'n garedig ac yn ofalgar, a bod angen adeiladu ar hynny. Yn ôl yr adborth, gwnaeth y tîm yn dda, felly roedd rhaid canolbwyntio ar eu helpu i wella ac adrodd pryderon yn ôl yr angen ac i gydnabod bod y tîm dan straen.

Dywedodd Jackie Davies fod yr adolygwyr wedi cwblhau darn da o waith a oedd yn ymgorffori gwerthoedd y bwrdd iechyd. Holodd a oedd unrhyw beth ar gael y tu allan i'r sefydliad er mwyn i staff adrodd eu pryderon os nad oeddent yn teimlo'n gyfforddus i wneud hynny yn fewnol.

Cynghorodd Gareth Howells fod y staff yn gallu cysylltu â The Guardian Service, ond hefyd bu rôl i undebau llafur yn ogystal â gwarcheidwaid sy'n rhoi'r rhyddid i siarad, a chefnogaeth ychwanegol wrth weithio gyda fforymau partneriaeth lleol. Cytunodd Debbie Eyitayo, gan ychwanegu bod hyn yn gysylltiedig â'r diwylliant gweithio oedd yn cael ei wneud ynghylch arweinyddiaeth i'w gwneud yn glir na fyddai ymddygiad gwael yn cael ei dderbyn, a bod angen proses ar waith i reoli hyn.

Diolchodd Reena Owen i'r teuluoedd am gymryd yr amser i adrodd eu pryderon ac am gymryd rhan yn yr adolygiad allanol. Holodd a oedd yr adnoddau wedi'u hymrwymo i sicrhau i argymhellion yr adolygiadu gael eu gweithredu. Ymatebodd Gareth Howells fod y broses gofal iechyd barhaus ar sail anghenion y plant a aseswyd gan dîm amlddisgyblaethol. Yna, dyrannwyd arian fel a fu'n briodol. Ar y sail honno, ni fydd pecynnau gofal yn cael eu hadolygu, ond os byddai teuluoedd yn teimlo nad oedd y

	Iefel gywir o ofal yn cael ei darparu, roedd yna gyfle i'w hapelio. Cydnabuwyd bod teuluoedd yn gweld y broses yn frawychus, ac felly byddai'n rhaid mynd i'r afael â hyn. Cytunodd Mark Child fod y teuluoedd yn teimlo bod y broses gofal iechyd barhaus yn frawychus, ac roedd yn obeithiol y byddai cyfraniad teuluoedd at yr adolygiad hwn yn helpu i fynd i'r afael â phryderon. Hefyd, teimlodd teuluoedd fod y broses yn araf weithiau, a bod y diffyg barn a rennir yn rhwystredig. Nododd hefyd fod parhau â gofal iechyd wedi'i gynnwys fel un o'r trefniadau arbed arian yn y cynllun ariannol, gan ddweud bod yn rhaid i'n dull fod yn fwy soffistigedig. Cynghorodd Gareth Howells fod hwn yn gyfle i weithio gyda phartneriaid i fireinio'r broses gofal iechyd barhaus. Ni ellid ei newid yn gyfan gwbl, ond gallai ei symleiddio rywfaint. Ychwanegodd Darren Griffiths fod y llinellau yn y cynllun ariannol yn cyfeirio at dargedau rheoli ariannol, gan fod pob maes gofal iechyd parhaol yn cael eu hadolygu i sicrhau bod y gwariant yn addas. Holodd Nuria Zolle am fanylion am sut byddai cleifion yn ymgysylltu a symud at ddull sy'n canolbwyntio'n fwy ar werthoedd a chyd-gynhyrchu. Ymatebodd Mark Hackett fod hwn yn faes yr oedd angen mwy o waith ynddo er mwyn cynnwys barnau mwy o gleifion. Roedd angen mwy o gamau sy'n canolbwyntio ar y claf am ystod o wasanaethau sy'n fwy eang na'r un hwn.	
Penderfyniad:	- Dylid cymeradwyo'r cynllun gweithredu mewn ymateb i'r argymhellion, gan nodi y byddai'n esblygu mewn ymateb i'r ymgysylltu rhwng teuluoedd a staff. Bydd y ddarpariaeth yn erbyn y cynllun gweithredu yn cael ei harchwilio gan Bwyllgor Ansawdd a Diogelwch, a fyddai'n rhoi'r wybodaeth ddiweddaraf i'r Bwrdd; - Dylid ei gefnogi er mwyn i'r Prif Weithredwr drafod gydag arweinwydd gweithredol am welliannau ansawdd pellach i system ansawdd y bwrdd iechyd i ddatblygu a dysgu o'r adolygiad hwn, a gosod camau i'r bwrdd iechyd yn chwarter pedwar yn 2021-22; - Dylid ei gymeradwyo i adroddiad gael ei gyflwyno i'r bwrdd ar ôl chwe mis yn trafod y cynnydd o weithredu'r cynllun gwella a newidiadau i'r gwasanaeth; - Dylid ei gymeradwyo er mwyn i'r adolygwyr, ymhen 12 mis, adolygu'r camau a gymerwyd, asesu sut mae'r camau hyn wedi gwella'r gwasanaeth, ac a oes angen cymryd camau pellach neu beidio.	
284/21	FFRAMWAITH SICRWYDD Y BWRDD	

Derbyniwyd adroddiad yn nodi fframwaith sicrwydd y bwrdd

Wrth drafod yr adroddiad, codwyd y pwyntiau canlynol:

Nododd Jackie Davies fod ychydig o gofnodion a oedd yn ymwneud â bylchau o ran staffio a defnyddio staff banc a staff asiantaeth. Nododd fod adroddiad ymhellach yn yr agenda a oedd yn rhoi sicrwydd o ran cydymffurfiaeth â Deddf Lefelau Staff Nyrsio (Cymru) 2016, felly roedd angen manylion pellach yn y fframwaith ynghylch pryderon a gweithredoedd lliniarol staffio. Ymatebodd Gareth Howells y byddai dibyniaeth ar staff banc a staff asiantaeth, ond bydd angen eu defnyddio yn briodol ac yn ddiogel.

Nododd Pat Price fod wyth risg uwchben yr archwaeth risg o fewn cofrestr risgiau'r bwrdd iechyd, a holodd sut gellid cael sicrhwydd ynghylch y sefyllfa o fewn adran staff rhagorol y fframwaith. Ymatebodd Debbie Eyitayo fod risg cyflenwi'r gweithlu wedi'i hadolygu a'i chodi ychydig oherwydd yr absenoldebau o ganliad i Covid-19, ac felly hyn oedd y rheswm dros yr amrywiad. Cyngorodd Pam Wenger fod y timau yn gweithio i gydberthyn cofrestr risg y bwrdd iechyd a fframwaith sicrwydd y bwrdd, ond roedd dal angen gwneud mwy o waith. Byddai'r ddwy ddogfen yn cael eu rhannu â Phwyllgor y Gweithlu a Datblygu Sefydliadol faes o law i sicrhau iddynt eu halinio.

Tynnodd Martyn Waygood sylw at hyfforddiant dau sonograffydd bydwraig i fynd i'r afael â'r bwlch a delio â phryderon. Gofynnodd pa fesurau oedd ar waith i sicrhau na fyddai'r aelodau staff hyn yn derbyn swyddi yn rhywle arall ar ôl cael eu hyfforddi, gan fod mater ehangach ynghylch ymgysylltu a chadw staff. Dywedodd Debbie Eyitayo fod hwn yn bwynt allweddol, gan fod rhai gwasanaethau wedi colli staff ar ôl darparu cefnogaeth a hyfforddiant ar gyfer datblygu. Byddai arbenigwr brandio yn cael ei gomisiynu i helpu i ddatblygu delwedd y bwrdd iechyd er mwyn creu un sy'n fwy deniadol i ymgeiswyr, yn ogystal â'u cadw nhw ar ôl eu recriwtio. Hefyd, bu cymorth yn cael ei roi i arweinwyr adrannol ynghylch cynlluniau'r gweithlu i ystyried sut mae defnyddio sgiliau cymysg amgen ym meysydd y mae ganddynt fylchau.

Rhoddodd Nuria Zolle sicrwydd bod y Pwyllgor Archwilio wedi trafod fframwaith sicrwydd y bwrdd a chofrestr risg y bwrdd iechyd yn fanwl, ac er yr oedd rhai bylchau y byddai'n rhaid mynd i'r afael â hwy, roedd yn dda gweld y gwaith a wnaed. Y cam nesaf fyddai pwyllgorau eraill yn dechrau ystyried eu manau yn fanwl. Cytunodd Pam Wenger, gan ychwanegu y byddai'r gwahanol adrannau bellach yn cael eu dyrannu i'r pwyllgorau perthnasol.

Nododd Maggie Berry fod rheoli heintiau yn dal i fod yn bryder mawr, ac er gwaetha'r gwaith sy'n cael ei wneud, mae'r nifer o ahosion yn parhau i godi. Dywedodd hi fod angen cyfleusterau gweddus, neu fyddai'r

	broblem byth yn cael ei datrys. Dywedodd Gareth Howells bod y Pwyllgor Ansawdd a Diogelwch yn derbyn diweddariad ar y cynnydd bob mis, ac roedd yn hollol annerbyniol nad yw'r broblem wedi'i datrys eto. Roedd ymchwiliad at wraidd y mater o reoli heintiau bellach ar waith, a fyddai'n cael ei rannu â'r Bwrdd Rheoli ym mis Rhagfyr 2021. Ychwanegodd fod trafodaethau yn cael eu cynnal gyda'r Prif Weithredwr ynghylch sut i gryfhau arweinyddiaeth y tîm drwy rôl cyfarwyddwr bwrpasol i ddarparu ffocws a dychwelyd i'r dechrau.	
Penderfyniad:	- Dylid nodi'r adroddiad;	
285/21	COFRESTR RISG Y BWRDD IECHYD	
	Derbyniwyd adroddiad yn nodi cofrestr risg y bwrdd iechyd. Wrth gyflwyno'r adroddiad, tynnodd Pam Wenger sylw at y pwyntiau canlynol: - Cytunodd y bwrdd ar archwaeth risg uwch ar ddechrau'r pandemig, ac mae'n aros ar 20 ers hynny; - Roedd dewis i adolygu'r archwaeth risg yn y flwyddyn newydd i nodi beth oedd yn dderbyniol yn ôl y Bwrdd; - Bu'r nifer o risgiau uchel yr un peth â'r diweddariad blaenorol. Wrth drafod yr adroddiad, codwyd y pwyntiau canlynol: Dywedodd Reena Owen fod pwyllgorau'r Bwrdd bellach yn derbyn eu hiteriadau eu hun o gofrestr risg y bwrdd iechyd ar sail y cofnodion a ddyrannwyd iddynt, ond nid oedd pob cofnod yn ddiweddar, ac nid oedd gweithredoedd lliniarol sylweddol gan rai cofnodion. Atebodd Pam Wenger y byddai'r adolygiad o'r archwaeth risg yn amser delfrydol i ystyried a oedd gan y bwrdd iechyd y nifer gywir o risgiau, ac a oedd y camau gweithredu a ddyrannwyd i bob un yn gywir neu beidio. Dywedodd Nuria Zolle fod rhaid i gofrestr risg y bwrdd iechyd wir adlewyrchu'r sefyllfa gyfredol pan fydd y sgorau risg yn uchel, ac mae'n bwysig bod y pwyllgorau yn ystyried yn fanwl y rhai sy'n berthnasol iddynt. Cymeradwyodd Emma Woollett y gwaith ar y gofrestr risg, gan ailadrodd pwysigrwydd y gofrestr yn cael ei defnyddio fel dull gweithredol, a chynigiodd y dylai fod sesiwn i adolygu archwaeth risg yn y flwyddyn newydd, yn benodol a ddylai hi barhau ar 20. Cytunwyd ar hyn. CAM GWEITHREDU - dylid adolygu'r archwaeth risg yn y flwyddyn newydd i benderfynu a ddylai hi aros ar 20.	PW/HL

Penderfyniad:	- Dylid nodi'r adroddiad; - Dylid cymeradwyo estyniad sgôr yr archwaeth risg o 20 ar gyfer y chwarter nesaf (gan nodi y dylai risgiau a aseswyd ar sgôr o 20 neu'n uwch gael eu blaenoriaethu) a'r goddefgarwch isel i risgiau gydag effaith fawr ar ansawdd a diogelwch staff a gofal cleifion. - Dylid adolygu'r archwaeth risg yn y flwyddyn newydd i benderfynu a ddylai hi aros ar 20.	PW/HL
286/21	MATERION ALLWEDDOL GAN BWYLLGORAU'R BWRDD	
	(i) <u>Pwyllgor Archwilio</u> Derbyniwyd a nodwyd adroddiad yn nodi trafodaethau allweddol cyfarfod diweddar y Pwyllgor Archwilio. Holodd Maggie Berry a oedd y gofrestr archwilio a dderbynnir ym mhob cyfarfod yn cynnwys yr holl argymhellion o ran archwilio. Cyngorodd Pam Wenger mai argymhellion archwiliadau mewnol ac Archwilio Cymru sy'n cael eu cynnwys. Derbyniwyd cyrff rheoli eraill, fel Arolygiaeth Gofal Iechyd Cymru, gan y pwyllgorau mwy perthnasol, sef y Pwyllgor Ansawdd a Diogelwch. Ychwanegodd fod gwaith yn cael ei wneud i ail-lunio sut mae'r cofrestrau archwilio yn gweithio, a bod trafodaethau gyda'r Prif Weithredwr i fynd i'r afael â rhai materion ynghylch adroddiadau sicrwydd cyfyngedig yn parhau. (ii) <u>Pwyllgor Cronfeydd Elusennol</u> Derbyniwyd a nodwyd adroddiad yn nodi trafodaethau allweddol cyfarfod diweddar y Pwyllgor Cronfeydd Elusennol. (iii) <u>Pwyllgor Deddfwriaeth Iechyd Meddwl</u> Derbyniwyd a nodwyd adroddiad yn nodi trafodaethau allweddol cyfarfod diweddar y Pwyllgor Deddfwriaeth Iechyd Meddwl. Cyfeiriodd Maggie Berry at y nifer o gosbau anghyfreithlon oherwydd staff yn llenwi ffurflenni yn anghywir, a chododd bryder y byddai pobl fregus yn derbyn hysbysiadau a allai achosi dryswch neu drallod. Cyngorodd Gareth Howells fod trafodaethau yn cael eu cynnal gyda Llywodraeth Cymru ynghylch digido'r ffurflenni dan sylw a fyddai'n lleihau yn sylweddol y risg ohonynt yn cael eu llenwi'n anghywir. Gofynnodd Emma Woollett am fwy o sicrwydd ynghylch y Trefniadau Diogelu rhag Colli Rhyddid a recriwtio aseswyr budd pennaf. Atebodd Gareth Howells fod dau aseswr budd pennaf wedi'u penodi ond bydd angen mwy gan fod y Trefniadau Diogelu rhag Colli Rhyddid wedi'u cyflwyno.	

	(iv) <u>Pwyllgor Perfformiad a Chyllid</u> Derbyniwyd a nodwyd adroddiad yn nodi trafodaethau allweddol cyfarfod diweddar y Pwyllgor Perfformiad a Chyllid. Cynghorodd Mark Hackett fod y Bwrdd Rheoli yn ystyried y diffyg arian cylchol ac yn adolygu a fyddai'n bosibl elwa o'r cynllun arbed rhyddhau gwelyau eleni. Roedd yn bwysig bod y bwrdd iechyd yn cychwyn y flwyddyn ariannol newydd gyda chynllun arbed arian cylchol, ond gallai'r risg gael ei lliniaru drwy gynyddu'r arbedion cylchol eleni. (v) <u>Pwyllgor Ansawdd a Diogelwch</u> Derbyniwyd a nodwyd adroddiad yn nodi trafodaethau allweddol cyfarfod diweddar y Pwyllgor Ansawdd a Diogelwch. Dywedodd Mark Hackett fod cyfraddau rheoli heintiau yn gostwng, ac er bod sawl cam yn cael ei gymryd, roedd rhaid canolbwyntio ar yr heintiau penodol a'u hachosion craidd. Roedd y Cyfarwyddwr ar gyfer Nyrsio a Phrofiad y Claf a'r Cyfarwyddwr Meddygol yn cynnal ymchwiliad i bob un er mwyn datblygu polisi dim goddefgarwch. Cydnabuwyd nad yw rhai amgylcheddau yn addas. Roeddent yn ffactorau mewn rhai achosion, ond roedd ffactorau eraill y gellid mynd i'r afael â hwy. Byddai hyn cael ei rannu â'r Bwrdd Rheoli, ac yna â'r Pwyllgor Ansawdd a Diogelwch, wedyn bydd barn ar a ddylid ei anfon at y Bwrdd. (vi) <u>Pwyllgor Iechyd a Diogelwch</u> Derbyniwyd a nodwyd adroddiad yn nodi trafodaethau allweddol cyfarfod diweddar y Pwyllgor Iechyd a Diogelwch. Holodd Martyn Waygood a dderbyniodd y Pwyllgor Iechyd a Diogelwch adborth rheolaidd ar gyfraddau hylendid bwyd ar gyfer ei fwytai mewnol. Cynghorodd Maggie Berry bod hyn yn digwydd yn flynyddol. Ychwanegodd Reena Owen fod y cyfraddau yn gyhoeddus, a dylid bod copi o'r adroddiad diweddaraf gan bob adran. Yn ogystal, fel rhan o ofynion yr adroddiad, dylai pob man wneud hunan-asesiad. Cododd Reena Owen bryder ynghylch y llety ar gyfer gwasanaethau iechyd meddwl i oedolion yn Ysbyty Cefn Coed, a gofynnodd pryd byddai'r ddogfen ymgysylltu yn cael ei derbyn gan y Bwrdd. Cynghorodd Siân Harrop-Griffiths y byddai'r ddogfen yn debygol o gael ei derbyn yn y cyfarfod arbennig ym mis Rhagfyr. Fel arall, byddai'n cael ei derbyn ym mis Ionawr 2022. (vii) <u>Pwyllgor y Gweithlu a Datblygu Sefydliadol</u> Derbyniwyd a nodwyd adroddiad yn nodi trafodaethau allweddol cyfarfod diweddar y Pwyllgor y Gweithlu a Datblygu Sefydliadol.	
--	---	--

287/21	LLYTHYR BLYNYDDOL GAN OMBWDSMON GWASANAETHAU CYHOEDDUS CYMRU	
	Derbyniwyd a nodwyd y llythyr blynyddol gan Ombwdsmon Gwasanaethau Cyhoeddus Cymru.	
288/21	ADRODDIAD SICRWYDD BLYNYDDOL AM DDEDDF STAFF NYRSIO	
	Derbyniwyd yr adroddiad sicrwydd am Ddeddf Lefelau Staff Nyrsio (Cymru) 2016. Wrth gyflwyno'r adroddiad, tynnodd Gareth Howells sylw at y pwyntiau canlynol: - Hwn oedd y pedwerydd adroddiad blynyddol ers i'r Ddeddf ddod i rym; - Rhoddodd sicrwydd o ran rheoli parhaus o'r risgiau sy'n ymwneud â lefelau staff nyrsio. Wrth drafod yr adroddiad, codwyd y pwyntiau canlynol: Dywedodd Jackie Davies fod y Ddeddf wedi newid y ffordd y bu lefelau yn cael eu cyfrif, ond bu fframwaith sicrwydd y bwrdd wedi cynyddu'r bylchau wrth lenwi shifftiau, heb gynnig data i egluro i ba raddau i lefelau gael eu cyflawni. Dywedodd hi ei bod yn bwysig deall pa mor dda i'r bwrdd iechyd fodloni lefelau staff y sefydliad, yn ogystal â chydymffurfiaeth â'r Ddeddf yn nhermau eu nodi. Ymatebodd Gareth Howells i fanylion sylweddol gael eu casglu fel rhan o'r adroddiad, ac awgrymodd a fyddai cipolwg o lefelau staff nyrsio yn erbyn y sefydliad yn cael ei gynnwys yn yr iteriad nesaf i'r Pwyllgor Ansawdd a Diogelwch. Bu'r Ddeddf yn gofyn i'r bwrdd iechyd gymryd 'pob cam rhesymol' i lenwi shifftiau, a bu'n cefnogi hyblygrwydd y gweithlu a rheoli'r roster. Felly, nid oedd hwn yn gwestiwn o gydymffurfio â'r Ddeddf, ond roedd yn dynodi ansawdd yn sylweddol. Holodd Emma Woollett am gyfran yr amser nad oedd y bwrdd iechyd yn cydymffurfio â lefelau'r sefydliad, er gwaetha iddo gymryd 'pob cam rhesymol'. Ymatebodd Gareth Howells iddo amrywio rhwng 40% a 70% yn ystod y pandemig. Dywedodd Steve Spill fod y Pwyllgor Ansawdd a Diogelwch wedi cymeradwyo cyflwyno'r ddeddfwriaeth ar wardiau pediatrig ar ran y bwrdd iechyd oherwydd y terfynau amser, gan ychwanegu bod y gwaith i gadw i gydymffurfio yn sylweddol.	

	Dywedodd Darren Griffiths fod y gwaith yn barhaus ynghylch yr asesiadau o safbwynt ariannol, gan y gallai lefelau craffu godi neu ostwng, a bod y cyfansymiau wedi'u hadlewyrchu yn yr adroddiad.	
Penderfyniad:	- Dylid nodi'r adroddiad; - Dylid cymeradwyo'r newidiadau i'r sefydliadau a ariennir er mwyn sicrhau bod y Bwrdd Iechyd yn parhau i gydymffurfio'n llawn â Deddf Lefelau Staff Nyrsio (Cymru) 2016.	
289/21	ADRODDIAD CYNYYDDOL AR GYFER DARPARU'R CYNLLUN BLYNYDDOL (CHWARTER DAU) AC ADOLYGIAD GWEITHREDOL CANOL-FLWYDDYN AR RAGDYBIAU'R CYNLLUN BLYNYDDOL	
	Derbyniwyd adroddiad yn nodi adroddiad cynyddol ar gyfer darparu'r cynllun blynyddol (chwarter dau). Wrth gyflwyno'r adroddiad, tynnodd Siân Harrop Griffiths sylw at y pwyntiau canlynol: - Roedd y rhagdybiau cynllunio yn adroddiad blynyddol 2021-22 yn cael eu hadolygu i ganfod pa rai oedd angen eu newid - byddai'r canlyniad yn cael ei rannu â'r Bwrdd mewn sesiwn frifio ym mis Rhagfyr 2021; - Pe bai'r Bwrdd yn cefnogi'r adolygiadau, byddai adroddiad ffurfiol yn cael ei dderbyn yn y cyfarfod ym mis Ionawr 2022 i'w dderbyn. Wrth drafod yr adroddiad, cyfeiriodd Reena Owen at y gyrwyr a nodwyd yn y cynllun a oedd yn cynnwys y bwriad i leihau anghydraddoldebau iechyd. Dywedodd ei bod hi'n gwerthfawrogi bod yr amgylchiadau wedi effeithio ar hyn, ond byddai'n fuddiol cael adroddiad cynyddol amdano. Ymatebodd Siân Harrop-Griffiths y byddai hyn yn ffurfio rhan o'r drafodaeth ym mis Rhagfyr 2021 a byddai'n cael ei gynnwys yn iteriadau'r adroddiad cynyddol yn y dyfodol.	
Penderfyniad:	- Dylid nodi'r adroddiad.	
290/21	ADRODDIAD CYNYYDDOL AR DDATBLYGIAD Y CYNLLUN ADFER A CHYNALIADWYEDD	
	Derbyniwyd adroddiad cynyddol ar ddatblygiad y cynllun adfer a chynaliadwyedd.	

	Wrth gyflwyno'r adroddiad, tynnodd Siân Harrop Griffiths sylw at y pwyntiau canlynol: - Cafodd gyrwyr clir eu nodi ynghyd â chynlluniau cyflenwi manwl, ac amcanion, dulliau, a chanlyniadau ar gyfer newidiadau i wasanaethau allweddol; - Roedd cyfarfodydd unigol yn cael eu cynnal gyda chyfarwyddwyr grwpiau gwasanaeth er mwyn egluro disgwyliadau a chynlluniau; - Byddai cynigion ar gyfer y cynllun yn cael eu rhannu yn sesiwn frifio'r Bwrdd ym mis Rhagfyr cyn iddo gael ei gadarnhau; - Bu dau gyfarfod cadarnhaol gyda Llywodraeth Cymru wedi digwydd ynglŷn â'r cynllun; - Byddai'r llythyr ar gyfer dyrannu arian yn cael ei dderbyn cyn y Nadolig ym mis Rhagfyr 2021, felly byddai'r elfennau ariannol yn cael eu datblygu ymhellach yn dilyn hynny; - Byddai'r cynllun ariannol yn cael ei dderbyn gan y Bwrdd i'w gymeradwyo mewn cyfarfod arbennig ym mis Chwefror 2022; - Byddai'r rhaid anfon llythyr swyddog atebol at Lywodraeth Cymru cyn 15 Ionawr 2022 i gynghori a fyddai cynllun tymor canolig integredig (IMTP - cynllun tair blynedd) yn cael ei gyflwyno. Wrth drafod yr adroddiad, holodd Mark Hackett a oedd aelodau'r Bwrdd yn teimlo'n ymgysylltiedig â'r gwaith i ddatblygu'r cynllun, neu a fyddai angen sesiwn bellach yn y flwyddyn newydd. Dywedodd Reena Owen fod y terfynau amser i ddatblygu a chytuno ar y cynllun yn dynn, felly nid oedd problem gyda chyflwyno sesiwn ychwanegol ym mis Ionawr 2022 i drafod y cynllun adfer a chynaliadwyedd a'r IMTP. Cytunodd Emma Woollett ac awgrymodd y dylai sesiwn gael ei threfnu cyn i'r llythyr swyddog atebol gael ei gyflwyno ar 15 Ionawr 2022. Cytunwyd ar hyn. Cynghorodd Darren Griffiths y byddai hyn hefyd yn cynnwys rhagdybiau'r cynlluniau ariannol. CAM GWEITHREDU – dylid trefnu sesiwn ychwanegol ym mis Ionawr 2022 i drafod datblygiad y cynllun adfer a chynaliadwyedd a'r IMTP.	PW/HL
Penderfyniad:	- Dylid nodi'r adroddiad; - Dylid cefnogi'r camau nesaf ar gyfer datblygu'r cynllun adfer a chynaliadwyedd; - Dylid cymeradwyo'r terfynau amser newydd sy'n gysylltiedig â chynllun terfynol yn cael ei gyflwyno drwy brosesau'r bwrdd iechyd cyn ei gyflwyno i Lywodraeth Cymru ar 28 Chwefror 2022;	

	- Dylid trefnu sesiwn ychwanegol ym mis Ionawr 2022 i drafod datblygiad y cynllun adfer a chynaliadwyedd a'r IMTP.	PW/HL
291/21	AMAETHYDDIAETH A GEFNOGIR GAN Y GYMUNED	
	Derbyniwyd adroddiad yn nodi cynigion ar gyfer amaethyddiaeth a gefnogir gan y gymuned. Wrth gyflwyno'r adroddiad, tynnodd Siân Harrop Griffiths sylw at y pwyntiau canlynol: - Gofynnwyd i'r bwrdd iechyd gefnogi cymuned ddim er elw a gefnogir gan raglen amaethyddol, gan ddefnyddio tir ar safle Ysbyty Treforys i dyfu bwyd ar raddfa fach; - Ni fu topograffeg y safle arfaethedig yn briodol i adeiladu arno at bwrpasau gwasanaethau iechyd; - Hefyd, byddai'r tir yn cynnig lle i blannu coed fel rhan o'r fenter genedlaethol ar gyfer jiwbil'r Frenhines yn 2022. Wrth drafod yr adroddiad, codwyd y pwyntiau canlynol: Cynghorodd Reena Owen fod galw sylweddol am y fath gynnyrch, a bod gan nifer o dyfwyr restrau aros ar gyfer bocsys llysiau. Ychwanegodd bod hyn yn ffitio gyda chyd-gynhyrchiad agendâu'r Ddeddf Llesiant Cenedlaethau'r Dyfodol. Cynghorodd Darren Griffiths y byddai rhent enwol yn cael ei thalu i'r bwrdd iechyd am y tir gan nad oedd bwriad i dderbyn elw. Hefyd roedd potensial i blannu gwrychoedd a system ddraenu i wella awyrgylch y safle, ond roedd y broses lywodraethu gywir yn cael ei dilyn er mwyn cynyddu'r gwaith. Holodd Mark Hackett pa mor hir bydd y cynllun yn cymryd. Ymatebodd Siân Harrop-Griffiths y bydd yn cymryd tair blynedd, a bydd angen rhybudd o un flwyddyn o flaen llaw. Gofynnodd Maggie Berry a fyddai potensial i'r fferm droi'n barhaol, ac a allai coed afalau gael eu plannu ar gyfer y jiwbil. Cynghorodd Siân Harrop-Griffiths mai'r bwriad oedd creu lle i'r rhai yn Ysbyty Treforys i dreulio amser i ffwrdd o'r safle, staff a, lle bo'n addas, gleifion, a byddai meddwl yn cael ei roi i blannu coed ffrwythau. Roedd trafodaethau yn cael eu cynnal ynglŷn â sut gallai'r cynnyrch gael eu defnyddio i gynorthwyo Ysbyty Treforys, ond roedd cymeradwyaeth mewn egwyddor yn cael ei hymchwilio ar hyn o bryd cyn i'r manylion gael eu mireinio. Holodd Nuria Zolle faint roedd y bwrdd iechyd yn cymryd rhan yn hyn. Dywedodd Siân Harrop-Griffiths y gallai'r sefydliad gymryd gymaint o ran	

	ag y mae'n dymuno, ond bydd ei rôl yn debyg i berchennog yn hytrach na phartner. Awgrymodd Mark Hackett y dylai timau iechyd meddwl cymunedol gymryd rhan yn y cynlluniau, gan y byddai buddion therapiwtig i'w defnyddwyr gwasanaethau ar y safle. Cadarnhaodd Siân Harrop-Griffiths fod trafodaethau bellach ar y gweill.	
Penderfyniad:	- Dylid nodi'r adroddiad; - Dylid cymeradwyo'r cynnig i sefydlu fferm amaethyddiaeth a gefnogir gan y gymuned ar safle Ysbyty Treforys.	
292/21	AMLINELLIAD O ACHOS BUSNES AR GYFER RHAGLEN GAFFAEL Y SYSTEM WYBODEG RADIOLEG (RISP)	
	Derbyniwyd amlinelliad o achos busnes ar gyfer Rhaglen Gaffael y System Wybodeg Radioleg (RISP). Wrth gyflwyno'r adroddiad, tynnodd Matt John sylw at y pwyntiau canlynol: - Roedd y rhaglen yn cael ei harwain gan Gydweithrediad y GIG i ddatblygu system radioleg o'i dechrau i'w diwedd i ailosod y system archifo lluniau a chyfathrebu bresennol; - Ar hyn o bryd, mae systemau yn wahanol ledled Cymru, ac felly nid ydynt yn cefnogi gweithio mewn partneriaeth; - Amcangyfrifwyd y byddai'r gost a budd genedlaethol yn £1.9m; - Byddai proses gaffael o 16 mis yn dechrau ym mis Ionawr 2022 pe derbynnid cymeradwyaeth, a byddai'r buddion ariannol lleol yn cael eu datblygu ar y cyd; - Er bod costau wedi'u hamcangyfrif, mae'r bwrdd iechyd wedi'i wneud yn glir ei fod yn disgwyl i'r cynnyrch terfynol fod yn niwtral eu cost. Wrth drafod yr adroddiad, codwyd y pwyntiau canlynol: Nododd Maggie Berry y pŵl o staff radioleg sydd wedi'i gynnwys yn yr adroddiad, a holodd a fyddai'r system newydd yn gwella sut maent yn teimlo am eu gwaith. Ymatebodd Matt John y byddai'r system yn fwy o fudd i glinigwyr, a byddai'n galluogi mwy o gydweithredu a gweithio gartref. Hefyd, roedd elfen o ddeallusrwydd artifisial yn cael ei hystyried i gefnogi penderfyniadau, ond nid oedd hyn yn rhan o'r cwrpas ar gyfer yr ymarfer caffael hwn.	

	Atgyfnerthodd Darren Griffiths y neges o reoli ariannol da, a dylai'r system arbed arian, neu fod yn ddatrysiad niwtral ei gost. Gofynnodd Nuria Zolle a fyddai'r terfynau amser yn gallu cael eu cyflawni. Cynghorodd Matt John fod dysgu sylweddol wedi'i gymryd o weithrediadau cenedlaethol dros y blynyddoedd diwethaf, yn ogystal â buddsoddiadau i dîm canolog i gefnogi'r gwaith. Byddai angen rhaglen wedi'i rheoli'n dda i gyflawni'r terfynau amser, ond mae amrywiaeth o lifau gwaith i gefnogi hyn. Byddai system adfer gadarn wrth law pe byddai unrhyw ddiffyg yn y gwasanaeth.	
Penderfyniad:	- Dylid nodi'r adroddiad; - Dylid cymeradwyo'r amlinelliad o achos busnes ar gyfer Rhaglen Gaffael y System Wybodeg Radioleg (RISP) yn ôl y cafeat ei bod hi'n system niwtral ei chost.	
293/21	CYNIGION AR GYFER GWASANAETHAU ORTHOPEDIG DEWISOL YN YSBYTY CASTELL-NEDD PORT TALBOT AC OFFTHALMOLEG YN YSBYTY SINGLETON	
	Derbyniwyd cynigion ar gyfer gwasanaethau orthopedig dewisol yn Ysbyty Castell-nedd Port Talbot ac Offthalmoleg yn Ysbyty Singleton. Wrth gyflwyno'r adroddiad, tynnodd Darren Griffiths sylw at y pwyntiau canlynol: - Gwnaed gwaith gyda Llywodraeth Cymru i ennill arian cyfalaf i gynyddu datblygiadau yn Ysbytai Castell-nedd Port Talbot a Singleton; - Bu'r adroddiad yn trafod theatrau ychwanegol yn cael eu creu yn Ysbyty Singleton ar gyfer offthalmoleg, a'r seilwaith ar gyfer cyfarpar meddygol i'r ganolfan orthopedig yn Ysbyty Castell-nedd Port Talbot; - Byddai'r model ariannol yn refeniw; - Cafodd 24.8% o'r rhestr aros ar gyfer gofal wedi'i gynllunio ei gwmpasu gan ddau arbenigedd, ac roedd rhaid iddynt ddarparu cynhyrchaeth uchel; - Byddai'r gwaith yn Ysbyty Castell-nedd Port Talbot yn derbyn ymgysylltiad cynllunio maith gan yr awdurdod lleol. Wrth drafod yr adroddiad, codwyd y pwyntiau canlynol: Holodd Jackie Davies am yr hyder yn y gallu i recriwtio o ystyried yr heriau presennol ynghylch y gweithlu. Ymatebodd Darren Griffiths y	

	byddai recriwtio yn dechrau cyn gynted â phosibl gan fod y refeniw yn ei le, a gallai fod goblygiadau o ran hyfforddi. Ychwanegodd y byddai rhai aelodau staff yn cael eu trosglwyddo i Ysbyty Treforys, ond yn ôl mynegiadau gan rai staff clinigol, byddai uned ddewisol bwrpasol yn ddeniadol i gleifion. Fodd bynnag, os gwelwyd heriau o ran recriwtio, yna bydd cyrchu'n fewnol yn opsiwn. Gofynnodd Reena Owen a oedd cynllun i gyfathrebu'r newidiadau i wasanaethau i'r rheini ar y rhestr aros, gan fod rhai ar y rhestr aros ers cryn dipyn o amser. Cynghorodd Darren Griffiths fod y Dirprwy Brif Swyddog Gweithredu yn gwneud gwaith yn hyn o beth i esbonio bod ystod o opsiynau i ddarparu gwasanaethau orthopedig dewisol yn cael eu rhoi ar waith, gan gynnwys cyrchu'n fewnol a chyrchu'n allanol. Buddsoddwyd £100k i edrych ar bryderon a fynegwyd gan y cyngor iechyd cymuned mewn perthynas â'r rhestrau aros orthopedig i helpu i gyn-adfer cleifion yn barod i'w llawdriniaeth.	
Penderfyniad:	- Dylid nodi'r adroddiad; - Dylid cymeradwyo'r sefydliad o theatrau ychwanegol yn Ysbytai Castell-nedd Port Talbot a Singleton.	
294/21	ADRODDIAD LLYWODRAETHU CORFFORAETHOL	
	Derbyniwyd adroddiad yn nodi materion llywodraethu corfforaethol i'w hystyried. Wrth gyflwyno'r adroddiad, tynnodd Pam Wenger sylw at y pwyntiau canlynol: - Roedd y bwrdd iechyd yn datblygu trefniadau cynnal ar gyfer y rhwydwaith darparu gweithredol ar gyfer gwasanaethau'r asgwrn cefn; - Byddai'r rhain yn cael eu rhannu â'r Pwyllgor Archwilio ym mis Mawrth 2022 i'w hadolygu cyn cael eu cyflwyno i'r Bwrdd i'w cymeradwyo.	
Penderfyniad:	- Dylid nodi'r adroddiad; - Dylid cytuno y bydd y Pwyllgor Archwilio yn goruchwyllo'r trefniadau cynnal ar gyfer y rhwydwaith asgwrn cefn, a bod y ddogfennaeth derfynol yn cael ei rhoi i'r Bwrdd i'w chymeradwyo ym mis Mawrth 2022.	

295/21	FFRAMWAITH LLYWODRAETHU AR GYFER Y BWRDD PARTNERIAETH RHANBARTHOL	
	Derbyniwyd y fframwaith llywodraethu ar gyfer y Bwrdd Partneriaeth Rhanbarthol. Wrth gyflwyno'r adroddiad, tynnodd Pam Wenger sylw at y pwyntiau canlynol: - Cytunwyd ar y fframwaith llywodraethu gan y Bwrdd Partneriaeth Rhanbarthol; - Fel un o'i gyrff statudol, gofynnwyd y Bwrdd Iechyd i'w gymeradwyo; - Bu cynllun ariannol dyrannol wedi'i gynnwys yn y fframwaith, a bydd yn rhaid i gynllun y bwrdd iechyd gael ei adolygu yn ei erbyn i sicrhau aliniad achos ar hyn o bryd, mae'r Prif Weithredwr ar yr un lefel â'r Cyfarwyddwr Cyllid a'r Dirprwy Brif Weithredwr. Wrth drafod yr adroddiad, cofnododd Emma Woollett ei diolchiadau i Pam Wenger am y gwaith a wnaed i ddatblygu'r fframwaith. Cytunodd Mark Child, gan ychwanegu bod y gwaith yn heriol iawn, ond bu'r eglurhad a roddwyd i'r Bwrdd Partneriaeth Rhanbarthol wedi gosod y sail resymegol yn glir.	
Penderfyniad:	- Dylid cymeradwyo'r fframwaith llywodraethu ar gyfer y Bwrdd Partneriaeth Rhanbarthol.	
296/21	ADRODDIAD PERFFORMIAD	
	Derbyniwyd yr adroddiad perfformiad am fis saith. Wrth gyflwyno'r adroddiad, tynnodd Darren Griffiths sylw at y pwyntiau canlynol: - Roedd yr amser aros o 12 awr yn yr adran achosion brys yn gwella, ond nid yw'r targed wedi'i gyrraedd eto; - Cyflawnwyd y targed perfformiad o 62% ar gyfer y llwybr canser unigol ym mis Awst 2021, ond erbyn mis Tachwedd 2021, roedd y targed perfformiad wedi gostwng i 58%. Gan fod hyn yn dal i gael ei ddilysu, gallai gynyddu. Hefyd bu gwelliant yn yr ôl-groniad o achosion; - Gwelwyd rhai gwelliannau yn y nifer o achosion gofal wedi'i gynllunio sy'n aros am driniaeth, ond ni welwyd gwelliannau o ran amserau aros;	

	- Roedd y nifer o achosion newydd o COVID-19 yn gostwng, a hefyd gwelwyd gwelliant yn y nifer o staff sydd yn gorfod ynysu, ond mae'r ffigurau yn dal i fod yn uchel o'u cymharu â'r ffigurau chwe mis yn ôl; - Bu'r perfformiad yn erbyn y targed rhyddhau ambiwlans coch (sef 65%) wedi gostwng i 43% ym mis Hydref 2021, ond dechreuodd i godi i 50%, er bod yna fwy i'w wneud ar ei gyfer; - Byddai'r Pwyllgor Perfformiad a Chyllid yn derbyn adroddiad sylweddol ynghylch perfformiad therapi iaith a lleferydd wrth ystyried pryderon a godwyd gan aelodau; - Roedd 125,000 o gleifion yn aros am apwyntiad dilynol; - Roedd mynediad at wasanaethau iechyd meddwl i oedolion yn dal i fod yn gryf. Wrth drafod yr adroddiad, codwyd y pwyntiau canlynol: Dywedodd Steve Spill fod perfformiad y gwasanaethau iechyd meddwl i blant a'r glasoed (CAMHS) yn un sydd wedi codi a gostwng wrth ystyried ei fod yn wasanaeth bach nad yw wedi cyrraedd 80% eto. Ymatebodd Darren Griffiths fod natur y mesur perfformiad yw i weld pobl o fewn 28 diwrnod, a bydd unrhyw beth y tu hwnt i hyn yn cael effaith sylweddol ar ffigurau. Roedd gwaith yn parhau gyda Bwrdd Iechyd Prifysgol Cwm Taf Morgannwg, a gomisiynwyd i ddarparu'r gwasanaeth, ar ddatrysiad cynaliadwy.	
Penderfyniad:	- Dylid nodi'r adroddiad;	
297/21	ADRODDIAD CYLLID	
	Derbyniwyd yr adroddiad perfformiad am fis saith. Wrth gyflwyno'r adroddiad, tynnodd Darren Griffiths sylw at y pwyntiau canlynol: - Bu'r sefyllfa mis saith a adroddwyd yn droswariant o £12.880m, sydd yn unol â rhagolwg diwedd y flwyddyn, sef sefyllfa o ddiffyg £24.4m; - Mae'r sefyllfa ddirprwyedig o dâl/ddim tâl bron wedi'i mantoli; - Nodwyd syniadau arbed werth £27m dros y flwyddyn, gyda bwriad o ddarparu £26m, fodd bynnag dim ond £24m o hyn sy'n gylchol felly roedd angen canfod y diffyg ar gyfer 2022-23; - Hefyd, bu risg na fydd yr arbed o £6m oherwydd y rhyddhad o welyau dros y flwyddyn gyllid nesaf yn cael ei ddarparu achos y	

	pwysau gweithredol, a bu'r risg hon, yn ogystal â'r camau lliniarol, yn cael eu hadrodd wrth y Pwyllgor Perfformiad a Chyllid; - Derbyniwyd cyllid o £131m ar gyfer Covid-19, sy'n 10% yn fwy na'r dyraniad o'r cyllid - felly bu angen strategaethau allanol ar gyfer y rhain neu, os oedd dal eu hangen, roedd angen nodi'r arian yn y cyllid refeniw arferol. Wrth drafod yr adroddiad, codwyd y pwyntiau canlynol: Holodd Nuria Zolle am faint o welyau y gellid eu lleihau heb effeithio ar ansawdd y gwasanaethau. Ymatebodd Siân Harrop-Griffiths fod gan nifer o'r achosion busnes a gymeradwywyd ar gyfer y flwyddyn hon, er enghraifft y wardiau rhithwir, gofalu am bobl henoed a gofal lliniarol, ansawdd clir a buddion gwely, a byddai'n cynnig dewisiadau amgen ar gyfer derbyniadau cleifion mewnol. Yn ogystal, er y gall y nifer o welyau gael eu lleihau ar gyfer y llif cyffredinol, efallai byddant yn cael eu cadw i gefnogi gofal wedi'i gynllunio wrth i'r ôl-groniad gael ei leihau. Holodd Mark Hackett am y potensial i dderbyn canran o'r arian Covid werth £131m ar sail gylchol. Cynghorodd Darren Griffiths fod y gwaith yn barhaus i wahaniaethau rhwng y gwariant a wnaed fel rhan o raglenni cenedlaethol, fel brechu, a'r costau a oedd yn gysylltiedig â mentrau lleol. Dyrannwyd £21.6m yn gylchol yn barod, ac unwaith i'r dadansoddiad ddod i ben, byddai cais ffurfiol yn cael ei wneud i Uned Gyflenwi Cyllid GIG Cymru am ddyraniadau'r dyfodol. Yn genedlaethol, bu arwyddion cynnar yn nodi y byddai mwy o arian ar gael ar gyfer yr ymateb blwyddyn nesaf, ond ar ôl hynny, byddai unrhyw ychwanegion at y cyllid yn llidiol yn bennaf. Roedd rhwydwaith Cyfarwyddwr Cyllid Cymru Gyfan yn datblygu cais am gefnogaeth ar gyfer y cyfnod adfer, ac roedd hyn yn cael ei drafod gydag Uned Gyflawni Cyllid GIG Cymru ar sail polisïau cenedlaethol a lleol. Ymatebodd Mark Hackett fod rhaid i'r sefyllfa fod yn glir ym mis Ionawr 2022 er mwyn i'r cynllun adfer a chynaliadwyedd ynganu'r manylion yn erbyn y sail gywir.	
Penderfyniad:	- Dylid nodi'r adroddiad;	
298/21	UNRHYW FUSNES ARALL	
	Ni chafwyd unrhyw fusnes arall a daethpwyd â'r cyfarfod i ben.	
299/21	DYDDIAD CYFARFOD NESAF Y BWRDD	
	Cadarnhawyd mai dyddiad y cyfarfod nesaf fyddai 27 Ionawr 2022.	